



元豐類彙卷之三十八

祭文

祭歐陽少師文

惟公學為儒宗材不世出文章逸發醇深炳蔚體備韓
馬思兼莊屈垂光簡編焯若星日絕去刀尺渾然天質
辭窮卷盡含意未卒讀者心醒開蒙愈疾當代一人顧
無儔匹諫垣抗議氣震回遁鼓行無前跋扈非恤世偽
難勝孤堅竟室紫微玉堂獨當大筆二典三謨生明歲
室頓挫彌厲誠純志一斟酌損益論思得失經體慮萌
沃心造膝帝曰汝賢引登輔弼公在廟堂尊明道術清
靜簡易仁民愛物歛不煩苛令無迫猝棲置木索里安

戶逸橫歛兵革天清地謐日進昌言從容密勿開建國
本情忠力悉卯未之歲龍駕颺歛再極大艱重紳秉笏
乾坤正位上下有秩功被社稷華夷召畢公在廟堂終
持紀律一用公直兩忘猜昵不挾朋比不虞訛嫉獨立
不回其剛乞乞愛養人材獎成誘掖甄拔寒素振興滯
屈以為已任無有廢咈維公平生愷悌忠寔內外洞徹
初終若一年始六十懇辭免黻連章累歲乃俞所乞放
意立樊脫遺羈馬沉浸圖史左右琴瑟氣志浩然不陋
蓬華意謂百齡重休累吉還幹鼎軸贊微計密云胡傾
殂慈遺則弗聞計失聲比皆淚橫溢顛寔不敏早蒙振袂
言繇公誨行繇公率戴德不酬懷情獨鬱西望轎車莫
得紉緝維公皤皤德義謨述為後世法終天不沒託辭
敘心曷究髣髴

祭王達龍圖文

惟公有獨立之志不羈之材揚旌閩楚按節江淮止如
山淵動若風雷衆皆異其施設曾孰測其津涯若夫拯
急難於水火下雋傑於蒿萊越拘孥而不惑豈淺狹之
能偕至於稱物引類興言寓懷遠叅騷雅近雜嘲諧麗
兼組藻美軼瓊瑰皆是以聲驚多士望隆九陔然而位
不過即中名不過直閣流落白頭委蛇一壑豈人事之
當然信命存於冥漢昏愚不肖早辱公知拊循愛勉施
及其私聞公之逝惻楚歎歎戴德莫酬寓薦以辭

祭張唐公文 熙寧六年六月一日

維公作德于躬實方實厚實夷實訂宴堅宴茂彼嗜而
爭我有不惑彼嫌為朋我肆而持我抗其辭維彼之默
始燁其華儒林禮官廼碩其宴侍從之班維帝時咨維
士時附尚其昌言式久在序告疾于朝廼長南服里無
嘆聲士女輯穆以老得謝俶其婦裝車御未驅計聞四
方維余先人公同年友公子我姪又託婚媾宴殺于豆
宴酒于觴馳辭告誠維以永傷

祭孔長源文

嗚呼長源拔迹孤艱刻志勵力升德自幽廼不家食燕
其壽母婦養以色興其士友跂我淳則微獨考古載辭

子策亦從爾知有端軍書為長以舒為將不亟廼使荆
粵銓材著職滅燭尚號蘇僵博齊會稽之治里無猝迫
初以詆去民實戴德卒還省部廷論之直維曰將歸東
符之析孰云不幸奄與生隔有親九十世為楚惻維真
焉行匪矜匪飾其彪為文其霈為澤天與厥後賢能交
蹶有實有華光長譽白善豈無勸慶焉茲得維我與公
綢繆平昔詩書討論相求以益我試于鄉自公考擇弥
久彌親情隆意獲聞公之訃泣然心盡馳莫千里富陳
悃悃

祭王平甫文

嗚呼平甫決江河不之以為子之高談雄辯吞雲夢不

足以為子之博聞強記至若操紙為文落筆一字徜徉
怒肆如不可窮秋恠恍惚亦莫之係皆足以高視古今
禁出倫類而况好學不倦垂老愈專自信獨立在約彌
厲而忘屈於不申材窮於不試人皆待子以將昌神胡
速子於長逝嗚呼平甫念昔相逢我壯子稚間託婚姻
相期道義每心腹於超軼亦情親於樂易何堂堂而山
立忽泯泯而颺駛計皎皎而猶疑淚沈沈而莫制聊寓
薦於一觴纂斯言而見意

祭宋龍圖文

嗟乎次道公之之於古今典章沿革得之於心山藏
海積又於舊聞隱顯之悉折之以口天高日白公在朝

廷群公百司解感糶之公為著龜公在太史維僚與
正繆辨訛公為耳目之公亡矣廷有大議問故事者衆
失其歸國有大典考之前載者人失其師况公行不絕俗
而動有常度言不背物而辭職疢靖退之風愈之而
方直之操自信而不回至於萬友尚舊比義親仁追往
烈而競逐豈庸態之能隣然而蚤蹈屬於儒館之委始
於後臣曾未得歷禁林之獻納任廊廟之彌綸何為儀
而鵠峙忽躋逝而星淪哭公之喪者客不絕於門庭弔
公之家者使相望於道路維昏鈍之少與獨綢繆而有
素淚淋漓而莫收情切怛而奚愬嗚呼唐李五君史曠
其錄公蒐亡而集實蓋旁羅而遠屬至於帝宅神州祖

功宗德成在筆削具存方冊爭日月之光輝與天地而
終極則公位雖屈而未盡名益久而逾章彼富貴而磨
滅豈得公之毫芒纂余哀而以此聊寫感於一觴

祭亡妻晁氏文

子有仁孝之行勤儉之德宏裕端莊聰明靜默窮達能
安死生不惑可以齊古淑人為世常則歸我之昔明年
始筭言無疵悔動應衡規親踈悅慕推艾嗟咨事姑之
禮左右無違服難体順惟日孜孜諧我屬人又薦以私
有犯不校有勞不施人隆已約乃以為宜衣有穿弊珥
無光輝曰順吾性餘復何為紛紛世務偪久群疑子陳
得失効若甚龜及其既退婉婉其儀不矜以色不伐以

辭幽間深謐度量誰窺吾貧口衆知有不繼資具脫粟藜藿
具無益醯人不堪憂子獨怡怡結絲雖愛不偏以教訓
誨惟謹曰宜幼時我扶我翼其處窮窮鋤荒補籬細大
無遺嗚呼天禍我家降集凶厲始末京師辛丑之歲子
之方壯疾跡中傷孰云此日一文先亡子雖自達病豈
宜然自姪至春有益無益迎醫市藥致力為殫術寧非
善不勝于天將逝之夕逆知其期語論自若精神不衰
編召室人告以長歸嗚呼哀哉父失賢女姑亡孝婦子
喪嚴師吾屬益友時歲雖性悲酸則新禳月之終莫此
一樽教養二子期獲子心時良適子託葬先林言如不
復誰為我人長號叙哀寓以斯文

祭晁少卿文

筆墨以孤蒙與託嘉好自始迄今喻二十載縷縷相與
義厚情親會合乖闊則有書問開紙披辭猶若際遇不
意今者公遽淪亡得計歎歎涕隨聲發海濱獨突心與
誰言仍聞歸旆旅吹餘杭隔吳清江寓陳博莫公乎知
否已矣奈何

館中祭丁元珍文

嗟乎元珍別了幾時孰謂子性無復來期子之為人渾
厚平夷不阻為崖不巧為機朋僚悅附族黨懷依其動
恂恂又應繩規其語諄諄不見瑕疵從事之畫吾無妄
隨長人之政彼有遺用其素鈞石其出銖錙惟夫李問

富有書詩濡墨操紙寫之入辭春陽滿野萬物榮滋匪
營匪飾疊異并奇既精衆止於詩復尤清新俊逸與古
為情讀之灑然可破百憂言鳥之秩天祿之遊謂淹已
久既晚方收孰云未幾斥畀南州書猶未復訃已來投
衆為哀傷况於吾屬初疑終駭天淚滿目莫制子棺莫
椁子服礼多不及情豈能忘寓辭千里備此一觴

朝中祭錢純老文

嗚呼公平窮經及史旁兼百氏廢寢與食不虛寸晷焉
好無倦華顛愈勸強記多識箱輸奉侍閣議崇論河岳
海委詩賦講說射策三科金馬玉堂經帷三職寒苦自
至無馮與翼銓綜拜試士曰子歸尹正三歲衆曰子依

公於所聞維孝之力公於所知則維自得利害之際人鮮能安彼為惴惴公獨直相愛惡之情人鮮自克彼有蒼虧公為衡石世所並逐公有不求彼置我靜則莫我尤曾不二事位云未究曾不百年數云非壽鐵國之良在列嗟咨貴民之望蓋艾歎歎天子聞喪馳使臨視勞恤榮孤賙憐之匱凡我同朝矧曰同志哀由感觸孰知失涕寓焉在庭薦羞在机公乎來哉寄誠茲誄

祭李太尉文

公先種德碩大于父母宋仁祖維莊懿后公維后姪考異姓王入長六師外垣大邦不以貴盈遜悌慈良昭陵未遠公奄云亡轎車之東以薦一棺

祭致仕湛郎中文

維公早以郎潛安於養志暎雨家食曾不待年治績紀於朝廷行實雅於鄉里淪亡未遠寵安有期竊仰高風敢陳薄奠

又祭亡妻范氏文

韋無狀遭禍早失賢妻徘徊京師零丁孤宦迺致旅糶未就先塋夙夜思惟心顏愧怍今蒙恩補外道出東南敢營最官進登舟御間閔回阻將致鄉園而羣比至淮瀕道起官守其於奉承靈輦經涉大江方復假人經營護視永惟見亮尚賴有靈若夫觸冒川途幾數千里使保清謐則惟餘休至於推擇吉辰脩廢葬禮俟得時日

敢不躬親惟其鑒之故以情告

代人祭李白文

予之文章傑立人上地闢天開雲蒸雨降播產萬物瑞
麗瑰奇大巧自施人力何施又如長河浩浩奔放萬里
一瀉末勢猶壯大騁厥辭至於如此意氣飄然發揚得
俾飛黃馱馱駉駉群龍類羅奔騶馬脫遺轍軌捷出橫步
志狹四裔側睨驚駘與無物比始來玉堂旋去江湖顧
騭鳳凰世豈能拘古今僻儒鉤章摘字下里之李辭卑
義鄙士有一曲拘牽泥滯亦或狡巧爭馳勢利子之可
異豈獨茲文輕世肆志有激斯人姑熟之野子未長民
輿賜墓下感嘆餘芬

祭王都官文

維公材敏而宏志跡萬里尚辭大篇出仕天子主簿于
閩聲駕其長清江之謀矯矯逾壯于韶于昇條教出已
伺公所為萬目齊眎奪奸于幽臺吏喪膽悍黨睚眦根
抵卒斬里誣戶歌惟傳寡獨在右惟監在下惟屬在側
惟僚相諱戴服將起將昌俞考以難曷刻曷歸忽殞無
還公於先人實歡實享至公諸子華尊親友於公家行
表裏洞知於黨不投於尊不遠出外公堂不撓毫髮退
後其私婉婉曲折鍾山崢嶸下惟江水昔公此臨委蛇
寫履今子六人葬公于此銘聲之為辭負事備千里寄
誠以茲一簋

祭表大監文

於乎越蜀荆吳三方萬里公馬駸駸僕印而使壘墟海
聚獄無濫辭城我印變貨走京師東南之粟風飄手斧
歲填太倉萬艘毫錯遂副會所肆其心畫出屏于宣以
我偃側九卿之行得謝以歸冕弁入里昔時布衣進退
則然當世所嗟不貴以驕不言以會翼其行坦坦其
衷墮然順退長者之風白髮雖多几杖未隨笑言在耳
已哭于性眷然撫我孰如公尤先人不幸託載公舟我
生方屯戴德莫疇羨醪則繼以陳我悲

祭閔職方文

嗚呼閔公以文中科以材為吏報于厥初四十始仕終
領兩州其治大輝告老于朝即官以歸鄉士大夫觀望
嗟咨孰為公君竹水之寰孰為公園正據湖山公出公
休八子侍側仕者大半同時共籍其聲顯揚其習順慈
萬石之風百世相差有後如斯世誰能及而况公年踰
于八十或如公壽莫如公安履勞撫少其意相相拜公
以晚見託以姻書猶在執訃已及門禔祿之全在公案
憾念昔恩未族親之感吊廬在東遠不及會泣叙斯文
千里之外繾綣之情已於一酌

祭黃君文

嗚呼宋且百年號令萬里姦臣黜除尤者殫死巖材且
秀驅駕而使蓋君之生有時如此當世之官有微有感

盛者廟堂斟酌王命千歲百司進矣退聽出長四方玉
斧金乘邦侯衆將傳際而令微者紛紛或陪或正千品
萬名各有操柄人皆敏手捷取能併君獨於求以死終
病同時之人勤營善蓄萬贏儲金萬襲歲玉遺餘野積
不能償積君獨一身衣食常蹙茲非其命曷必至歟君
能自達可以無悲親戚念君能不歎歎我之老姑歸君
為婦與君歷年顛沛同有今對其孀寧匪我傷來問來
吊屢至其堂窆君南山冬氣已烈薄醪時羞觴且肅設
脩以茲文與君一訣

元豐類彙卷之三十八

祭文

祭文

先君焚告文

鞏蒙昏不肖不能稱先君教誨養育之意賴遺德所及
嗣有官祿以世其家今天子始見郊廟加恩朝臣以及
其先而先君先夫人咸有官封追榮之賜鞏繫官宗師
謹遣弟布鞏奉告第至墓次以告

皇妣仙源縣太君周氏焚黃文

鞏薄陋獲守緒業常懼失墜賴先君先夫人餘澤有列
位于朝今天子始加恩群臣皆得追榮其先故先君
先夫人咸被命書贈官封邑鞏伏念駭繇不任感慕謹

職京師遣弟布肇奉告第黃詣星次以告 謹焚

皇妣昌福縣太君吳氏焚告文

維先君先夫人積德累善肇獲蒙餘澤備位于朝今天
子始郊加恩羣臣皆許追榮其先故先君先夫人咸被
賚書命官封邑而肇方羈於職事不得躬至墓下謹遣
弟布肇奉告第以告

戊午十月長墓文二首

肇去春在江西蒙恩予告得省視私揪今自福州被召
還朝又得便道長拜墓下敢陳薄薦用申感慕仰惟降
鑒俾家福於無疆

肇自福州被召還朝得便道長拜墓敢陳薄薦以下同上

代太平州知州謁廟文

天子不以某不敏使有效立凡境之內鬼神能福于人
敢不恭事今得日之吉始之效薦見惟神之賜使民自宜
家及其歲事則某敢不繼自今具酒醴牲牲以獻于神
神其鑒之

太平州祈晴

去歲之水其為害大矣民之免於死亡而不為盜賊亦
幸而已矣水之既去民於完隄防備疆隴以從事於田
其艱且勞亦甚矣使今歲大穰恐未足以復其力今苗
始蒔而雨不止若將又病之民有轉死之憂吏之不能
事神治民以降茲沴不敢逃其責然沴之既降非吏之

所能并而止也惟神舊依吾民而食于此土并惠除舊
固神之職敢不以告使雨速止而歲有成亦惟神於此
土求有依歸惟神其圖之

泰山祈雨文

維泰山歷古至今有天下者巡狩封禪勅成告代莫不
之焉或企足動容卒莫能至實卓瑞殊方神明之地故
天下宗焉二典所記其光靈威烈焯示萬世夫豈他山
可得而視維齊與魯獲仰而事粒食縷衣莫匪陰施今
二邦不雨自四月已訖于茲積水之澤壘起冥冥粟將
腐死蝗亦滋生雖政或不良足以致此而百姓何罪宜
蒙哀矜彼撮土之山夕水之川尚能與民為福錫之有

年豈如泰山朝出一雲霖澤天下其勢之易易於轉運
而此近託爾顧不能憐始莫之或告告或不愛夫民之
生蓋亦艱矣無儲與歲重斂煩使歲一不登多瀆於死
奸強無知或起乘時聚為盜穢以取誅夷循理安業田
間之民亦與俱亡矣可不傷鞏受命天子守濟于東教
齋以嚴告于靈宮惟神閱人之病助歲之功霈然下雨
變沴為膏尚俾斯民以牛羊黍稷得承事于無窮

泰山謝雨文

臣愚行為時之所背言為時之所輕寡儔少和眇眇
策竒於人而如此敢望信於冥冥屬東轍而進謁託
文而薦誠眷齊魯之情邦依大鎮之崢嶸苦旱魃之方

驕憂歲事之不登民且瘠於溝壑或推埋而死兵莫敢
明之響谷霑膏雨之宵夢言丁寧而上訴心懽恍而渚
驚鎮不能以諧世將何動夫威靈乃不知夫神與道而
為徒雖宵默而難明其虛心也物有未而又應其公聽
也無憎愛之常情彼大雖自大小雖謂小吾與善而已
矣常一視而持平故微衷得以上徹利澤為之旁行或
噫為風或震為霆隱然雷山雷然雲蒸沍身靈以兼夕
或害氣於無形蓋西極于甸服東屬乎滄溟人盈其望
物遂其生黍芄芄而權秀粟不饑藜而敷宗使時珍遂堪
年功可成人食豐平鍾靈一祀斯乎美威民相安於元
軍吏無用於威刑信大息之真報而季靈之難名惡所

以意激而感深者方涉世之零丁荷降鑿之不昧知忠
信之可憑敢因辭以進謝愧抽思之非精

齊州到任謁舜廟文 嶽廟云雖神以豐功成德
作鎮此方宜有以稱民望

維帝側微之初躬耕此土歷數千載盛德彌新傳于無
窮享有廟食鞏受命出守敢陳薄薦為維帝常垂陰祐
此困窮庶使遺民未有依賴

齊州謁夫子廟文

惟夫子言行之所以及 一作及 蓋不可得而學者師仰各以
其 一 孺材之所及而已 一作及 羣潛心又矣茲者受命撫封進
謁廟下敢陳薄薦式遵典禮

齊州謁諸廟文

維神以功德之美列于祀典受命守土敢陳薄薦惟神
常垂陰施以惠此邦

泰山祈雨文

惟神含德體仁鎮茲東夏興雲致雨澤施八紘今此
邦近在山趾方夏久旱麥苗將萎吏思其繇奔之群望
而人微言賤不能上動頻陰復散忽已兼旬念此疲民
弊於征斂方歲之富食常不足一遇戕害必捐溝壑惟
神威烈覆被群生碩此比州宜先蒙賜豈伊靈眷獨忍
遺之是用飭遣士民布誠祠下情窮詞急冀獲哀於使
一雨霑然則倒懸可解尚其降鑿無作神羞

嶽廟祈雨文

云歲之早有請于神靈界嘉澤田則大稔今春河後發
民二萬更迭齋送報又倍之蓋此齊人出者幾半迨其
反室維夏之功勞費既深又遠穡事夫民數歲乃遇一
稔報之如此其幾尚完今二麥方包而亢陽為害更任
其咎所不敢逃惟民何辜賴神終惠能致雲雨則實
神尚其念之故敢以告

襄州謁文宣王廟文

華獲承餘教列職書林來守此邦敢遵常禮躬謁祠下
尚其臨之

襄州謁諸廟文

惟靈功德在人廟食茲土奉到官之始敢脩禮謁尚期

降惠以佑吾民

襄州諸廟祈雨文

今麥苗方出而時澤尚愆冬令又行而寒氣未應嗟更
治之不善以奸陰陽惟神理之無方能與雲雨是用疏
祈以任外蠲被以乞靈尚期降休以答人望

大悲祈雨文

維歲孟冬盛陽猶亢旱暎滋久陰寒未興更非循良敢
不在咎佛有慈惠則宜降祥是敢躬瀝懺誠虔祈意塵
俾風雲之奮作致雨雪之漸愍田畝順成里閭安輯仰
期真理俯徇輿情

襄州後廟祈雨文

自秋不雨方冬尚溫麥田苦於早乾民室憂於病穡
惟責任內集兢兢惟神作鎮伏宗著靈南夏敢瀝由是
之懺冀回降鑿之仁遂俾膏澤以時祈寒式序酬晦克
諧於豐富里閭皆保於靖康尚其垂訓副此群望

又諸廟祈雨文

去歲今冬時雪不厚今茲春曉膏澤尚微農於稻田
水而種苦茲旱涸人用焦然更不能有惠於民而惟歲
之善則刑清事簡尚有望焉是用瀝懇有禱于神惟神
依人尚其降鑿使霑然下雨以大濟于此邦則人於事
神亦曷不盡

薤山祈雨文

自去秋之始至于今春之暮雨不霽霑今麥苗將病稻種未布農事急矣而禱請未効惟神靈應在人是用奔告尚其降鑒大施澤于此邦使民獲善歲而不罹于災則入於報神之賜亦曷敢不虔

邪溪祈雨文

自去秋至今雨常不足今麥苗將稿稻種未布而春既盡矣若又不雨至於十日則麥必盡死稻不可種民將安所寄命乎吏知其急而不知其所以為神知其急而力能為雨者也其亦何惜數尺之澤救民於無所寄命之急乎故敢以請神其鑒之

諸寺觀謝雨文

南者以大田之稼雖多而西郊之雲方密輒伸虔禱蓋以為民庸及夏初霽然蒙潤茲展至誠之謝式遵舊典之傳欽惟明神鑒此精意

邪溪謝雨文

吏能奉法令治獄訟督賦歛而已導和氣致豐年則力不能德不及也故一有水旱則彝禱於鬼神幸蒙降谷則自怨以竊食此輩之所不敢不自訟也今茲請雨不能異此獲神之賜敢不虔報惟神之靈德既足以驚動澤施于此民尚終畀之有年則神之依人亦有永賴

蕪山謝雨文

迺故秋至今雨不霽足麥苗將稿稻不可種民將無以

為命吏不知其所為維神能出雲致雨記於古經信於
百姓之耳目是用犇告果象降谷迺戊辰雲起西北至
夕大雨達於甲戌四境告足麥則滋榮稻可播種民得
以託命吏得以竊食維神之威靈大顯于此土澤施大
及於斯民敢不嚴報尚其終惠俾歲大穰則人於事神
永永其不敢怠

諸廟謝雨文

吏治不能順陰陽時風雨而以歲之旱犇告于神賴神
之靈時賜甘雨敢不嚴報尚其終惠之

元豐類藁卷之三十九

元豐類藁卷之四十一

祭文

五龍堂祈雨文

迺四月以旱禱于邪溪薤山應時得雨麥以豐成稻可
播種獨異於他境寔維其賜今稻田又乾矣此邦之人
皆謂龍虎之河五龍之神禱雨輒應余敢不告神其降
鑒大施澤于斯民使獲有年則人於報神亦維無數無
俾薤山邪溪專美于此邦以作神羞

靈溪洞祈雨文

吏不勝任荐致旱苗禱于山川為黷已甚然稻田日瘠
民命所託夙夜憂懼不知所為維爾有神世載靈施是

用醜類有請忘其慙羞尚其降祥時賜甘雨俾歲無害
維神之休

又大悲祈雨文

盛夏在辰常暘為沴稻將萎瘁人用嗟憂繇吏治之不
明致奸和氣維佛乘之無礙善濟群生是敢同被精誠
虔祈膏蔭覬滂沱於膏澤俾浹於原田用救焦枯實
依慈惠

大悲謝雨文

民無常心惟安於足食佛有慧力善救於含生比緣盛
夏之辰久苦驕陽之沴懼傷稼穡將致凶饑故仗節之
矯良暨守藩之孤陋俱悚一稍懇虔對睟容果蒙感答之

慈立致霽澤之澤滌除室口氣勃起良苗變瘁為榮物遂
更生之理甚喜以喜人一望歲之心維是鴻私敢忘昭
報尚期降鑒常界有獻

諸廟謝雨文

吏之罪大矣一切從事於謹絕墨督賦役而已民之所
欲不能與所惡不能去自恕以竊食不知其可愧安能
使陰陽和風雨時乎故若羣者任職於外六年于茲而
無歲不勤於請雨賴天之仁鬼神靈閔人之窮輒賜
甘澤以救大旱吏知其幸而已其為酒醴牲饗以報神
之賜曷敢不虔維神尚終惠之使永有年則神亦無窮
有依于人

諸廟謝雨文

積是驕陽莫救稻苗之悴獲茲嘉霽尚茲秋物之榮莫荷靈休敢忘祇報

諸寺院謝雨文

比以常暘仰祈真蔭果獲滂沱之澤大蘇焦旱之田敢擇佳辰特申嚴謝尚期降祐常界有秋

諸寫武侯廟祈雨文

天子以歲久旱所被者廣分命守臣禱其境內鬼神之有靈德在于人者維靈有志于民舊矣故敢以告尚其降鑒大施澤于四方以稱天子憂人閔雨之意

諸廟祈雨文

日涉歲以來自春祖夏久陰不解積雨已多今饑燥而成粟待暘而種而雲屯尚密土潤方非民皆竊憂更用深懼百姓之困甚矣惟神得無念乎尚其開除山川相導出日俾歲無害為民之休

謝晴文

比苦雨淫懼為歲害蒙神之德賜以時暘今蠶麥雨成里閭相慶敢不嚴報尚祈終惠

諸廟祈雨文

諸寺設作數十真前中布

今歲之初未愆雨澤然而麥纒薄稔蠶不甚宜則民之窮蓋可知矣今茲農望惟在秋成而溫風方騰旱氣弥盛是用側身以懼有禱于神尚其降衷時賜甘霖俾歲

無害亦神有依

薤山祈雨文

誌言衆山雲起此山無雲終不降雨衆山無雲此山雲起必降大雨是能為雨能為不雨在神而已今歲數不登而旱氣又作吏之不良無所外罪民貧可憫神能為雨而不為是何情哉神其為民出膚寸之雲致數尺之雨使凶為穰以救民之急則此邦之人所以報事神者子子孫孫其孰敢怠出其念之無作神羞

諸廟謝雨文

比苦亢陽具陳致禱定蒙甘澤敢不昭報

洪州諸廟文

惟神播澤在人廟食之如土輩守藩之始敢備禱謁尚其靈德常庇斯民神於之無窮亦永有賴

洪州謁夫子文

惟神播澤在人廟食之如土輩守藩之始敢備禮謁求惟聖德覆被無窮尚其德昭寤學者

洪州諸寺觀文

儒有大慈速於善應人無常產理則難安惟稽事之將成而雨淫之不止曠然省懼豈敢皇寧蓋茲疲瘵之民已出旱苗之後室家凋弊閭里愁嗟如復荐饑將焉託命今蚤稼甫畢晚苗方興窪下之田已傷稼穡亢爽之地實懼浸淫是敢虔對醉容仰陳淨懇伏望廓山川之

眩滯回日月之光華諸此順成湛然澄霽寔是其慧應感
慰輿情先諸觀云道實無方物來斯應民惟難保食之為
先來斯應民惟難保食之為
先來斯應民惟難保食之為

諸寺觀朝謝晴文

比虞水溢將敗成功不自皇寧敢陳懇迫果蒙陰施即
得特賜田里歡呼染盛立有望惟神靈所以賜于人者豈
憑之以當之尚冀餘休終成多稼民能自保神則有依

祭西山王隆觀許真君

陰功及物靈德在天純惟真馭之升實以中秋之序人
承餘烈歲即遺祠故茲守土之微敢躋愛民之素俾往
陳於簿具尚求庇於羣生

仲秋告祭諸廟文

歲在仲秋祀有常典維神邁德實死此邦敢率舊章用
陳明薦

諸寺觀祈雪文

窮臘未雪方冬尚溫人有疾疢之憂地無膏澤之潤職
在綏撫心焉震慚敢祈膏寸之雲播為盈尺之瑞湯除
陰氣順致時寒使閭巷消薦瘥之苗田疇成多稼之利
實依孚仞俯徇微誠

諸寺觀謝雪文

比緣窮臘之期久苦亢陽之沴敢激靈施仰布愚誠蒙
膏澤之應時致祈寒之協序人無疢癘之患物有豐成

之祥實賴洪休敢忘昭報更祈密雪尚及餘冬

祭順濟王文

維爾有神克相王師章示見象皇帝修神之德俾錫號
位秩尊禮盛非以序升今州遣從事即神之祠致皇帝
命尚其欽哉以對休寵

福州謁六子廟文

惟夫子之德仰之彌高夫子之言窮之益遠學者潛心
庶幾髮髯其守邦之始躬即學宮敢備禮謁尚其降鑒

福州謁諸廟文

維神作德自幽信于茲土人用報事秩祭有常輦甫此
守邦敢修禮謁尚其降鑒

福州縣溪橋雨文

曰嗟乎旱也誰則為之茫茫之稼將稿而萎嗷嗷之衆
曷望而依維閩屬者寇賊之罹速其既附我士已疲餘
醜成群百十睚眦跳踉出沒負力乘機亦有為渠諸翁
所推相望基布未受馬羈室家莫寧遠近並疑我畜以
柔亦震以威苟有法賞不後條繫或擾而序或就經繼
逮歲朔易盪定無遺山林夜行笑語追隨吾人即安今
糗而嬉士馬亦奮拒拒駭駭天子聖德海邦是綏維此
海邦初亦難難一作難纒今寧宇笑師征始歸今食之矣
貫尚微若歲大熟如梁如茨如京如坻自公及私歲無
訟繫里無盜闕式于末世方始在茲今此大田既碩而

齊俾不卒成就恐為斯神有靈蹟國人所祇神有顯號
天子所躋萎能起之搗能澤之胡寧有餘斂而不施我
用卜日蚤駕以馳即告潭側尚其所之攘除驕陽騰雲
曠霓播為甘液霑洒淋漓俾農有秋百物具宜熄偷與
爭長置刑咎人於報事豈有數思

諸廟禱雨文

常賜為沴將害農功夙夜懷憂不皇啓處敢微靈貺時
賜膏澤俾人獲濟惟神亦永有依

謝雨文

維閩之人前歲苦饑去歲苦盜乏食而安期自今始而
方夏旱暵懼害穡事茲余用稽于衆蓋可以徵福於
者罔不馳告不敢愛力不敢寧居賴神之仁界以膏澤
自未至酉遠近周浹維歲大熟可立而需敢飭豆邊報
用典禮吏無明德而但知告其困急於神神既賜之其
尚終惠

題禱雨文後

福州元豐元年戊午自四月甲子至五月辛巳凡十有
八日不雨田已憂旱太守率屬吏士分禱諸佛祠迎像
能致雨者陳之通路用浮圖法為道場率屬吏士羅拜
以請丁亥夜五鼓出禱鱗溪屬吏士分禱群望己丑率
屬吏士蔬食夜四鼓就城南近水祭告后土將為壇祭
龍庚寅蔬食如己丑夜三鼓就壇壇到鵝祭龍辛卯夜

五鼓就視牲血以法推之當得雨壬辰就紫極宮壇用青童二十有八人更呪蜥蜴如古法癸巳分禱諸祠未徧者取黃蘗山龍潭水置道場率屬吏士往請甲午又往乙未夜二更得雨連三日夜遠近皆有餘蓋自辛巳至丙申凡十有六日無日不致禱自丙戌至甲午四境多得雨至丁酉乃皆有餘是日罷道場還所迎像及水蚺蜴南澗之濱庚子通祭謝欲知閩粵之間兼旬不雨則已憂旱而請禱之為不誣也故刻其祝辭於石而并識之

明州脩城祭土神文

帝命繕治城墉得日之良庸工始事斯人允賴維

爾土神尚其降休敢不以告

亳州謁諸廟文

維此譙都年歲順而風俗厚者華人之力實神之勛獲守此土敢薦饗爵與人焉福實符神休

亳州謁夫子廟文

維人之生尊卑長幼知有真序序于理者知有所畏何以致然實自夫子登壇人於此敢不嚴事是用寓禱爵式遵典禮

元豐類彙卷之四十

元豐類彙卷之四十一

祭文

秋賽

歲既順成時方穰歛神能施澤以及物人能備物以事神茲惟舊章夫豈敢怠庶其為福無斁於人

諸廟祈雨

今者盛秋已晚廢物將成矧茲麥苗寔待雨澤而驕陽

尚熾畏暑未消野有焦枯之憂人懷膏澤之望敢祈靈

德甫徇輿情蕩蘊隆之雷以升嚴氣濡滲漉之施以遂

嘉生寔賴神休允諧衆志不通道觀雖甚愚誠無不寂感無

詞同前及靈德作中陰改神休作真必也趨佛時是仰神

休用康歲事祭詞同改靈
德作竟歲改神休作慧心

諸廟謝雨文

比顛衆情仰祈靈施果蒙薄雨小潤焦原已祛畏暑之
煩遂適戒寒之漸敢忘祗報更俟餘休克終播澤之祥
俾獲有年之望

諸廟祈雨文

時寒未若雨雪尚愆麥有立苗之艱人遠墜戶之適敢
依靈德瀝致勤誠惟順導於大和俾霈施於膏澤克諧
衆望寔賴陰休

諸廟謝雨文

北苦愆陽再徵靈施蒙報如響得雨應時澤潤焦枯瀉

除煩鬱物有豐成之望人無疾癘之憂敢忘大恩尚觀
終惠

祭勾芒神

宿官於木用事在春敢奉歲詞庶為民福

慈聖光獻皇后百日轉經疏

至恩難稱欲報者惟盡於精誠大覺可依有禱若必蒙
於善應敢緣慧力輒罄愚衷伏以大行太皇太后淑聖
在躬聰明先物儀刑宮壺德大而不矜鎮撫國家功崇
而不載未窮遐美奄背盛辰皇帝陛下務極孝思永懷
慈蔭內遵喪紀不緣易月而斷恩外異寢園特以因山
而連號矧惟臣庶寔自生成雖銜有慟之情未識論酬

之所是資佛果少即人心伏愿克配坤元寧至神於不測寢昌天極介景德於無疆宴賴梵因乞諧衆望

諸廟祈雨文

民之艱於稼穡賴歲屢豐得以足衣食而償其力吏亦得以無所事於勤而偷祿本茲春仲麥苗滿野得雨而成則民得以繼其豐年之樂而吏亦得預其幸神之食於此土為能澤於斯民也故敢以告尚其賜之以稱人望

諸寺觀祈雨文

春氣已中農功方急而膏未洽土脉尚乾敢恭致於精誠用仰祈於覺道真尚其降雨俾獲有年

諸廟春祈文

神之於人能康歲時而阜庶物故人得以歲時備物以事神今茲春仲敢遵常典神可不憚以無廢其康阜之功則人敢不盡以無斁於事神之禮

祭土祈雨文

農勤甚矣歲既暮春麥待雨而成菽粟待雨而種而旱曠為嗟人用憂嗟今將為壇象龍以禱是用先事告爾土神尚其降休無咈人望

祭五方龍祈雨文

龍之變化無方而其有功於人者則在於能興雲雨嗚呼今旱甚矣是用稽古為爾某龍之象位于某方薰被以禱爾尚圖厥職其亟以時肆為膏澤以大施于此土

無愆厥應俾有後羞惟爾有神亦尚未有依歸

太清明道宮祈雨文

旱踰時矣麥既萎死而菽粟未種皇帝憂勞遣吏分禱尚其致雨無俾歲害允茲東瞻寔在靈德

諸廟謝雨文

維歲大旱蒙賜甘雨窪邪之麥冀可以蘇菽粟之田有望自此實神之德敢忘昭報尚其終惠俾獲有秋

諸寺觀謝雨文

氣之不若旱實為苗蒙在正陽界之甘澤維靈休之所自豈昭報之敢忘俾獲有秋尚賴終惠

太清明道宮謝雨文

旱久未解詒上之憂得雨應祈曾不旋日焦萎可起種藝可施實惟靈休副此東瞻尚其終賜俾獲有秋

亳州明堂後祭廟文

維季秋辛巳天子宗祀英宗皇帝於明堂以配上帝成禮乃詔天下禘祭于群神故州得以聚羞醪酒送著祠下神其誕降嘉福無有不寧以稱天子所以事神愛民之意

哀詞

蘇明允哀詞

明允姓蘇氏諱洵眉州眉山人也始舉進士又舉茂才異等皆不中歸焚其所為文閉戶讀書居五六年所有

既富矣乃始復為文蓋少或百字多或千言其指事析
理引物託諭侈能盡之約遠能見之近大能使之微小
能使之著煩能不亂肆能不流其雄壯俊偉若決江河
而下也其輝光明白若引星長而上也其畧如是也余
之所言於余之所不言可推而知也明允每於其窮蹙
得喪憂歎哀樂念有所屬必發之於此於古今治亂興
壞是非可否之際意有所擇亦必發之於此於應接
酢萬事之變者雖錯出於外而用心於內者未嘗不在
此也嘉祐初始與其二子軾轍復去蜀遊京師今參知
政事歐陽公脩為翰林學士得其文而異之以獻於上
既而歐陽公為進士又得其二子之文推之高等於美

三人之文章成傳於世得而讀之者皆為之驚歎不
可及或慕而效之自京師至於海隅障檄學士大夫莫
不人知其名家有其書既而明允召試舍人院不至特
用為秘書省校書郎頃之以為霸州文安縣主簿編纂
太常禮書而軾轍又以賢良方正策入等於是三人者
尤見於當時而其名益重於天下治平三年春明允上
其禮書未報四月戊申以疾卒享年五十有八自天子
輔臣至閭巷之士皆聞而哀之明允所為文集有二
卷行於世所集太常因革禮者一百卷更定謚法一卷
藏於有司又為易傳未成續其書者則其人之所存可
知也明允為人聰明辨智過人氣和而色溫而好為策

謀務一出已見不肯躡故迹頗喜言兵慨然有志於功名者也二子賦為殿中丞直史館轍為大名府推官其年以明允之喪歸葬於蜀地既請歐陽公為其銘又請子為辭以哀之曰銘將納之於墳中而辭將刻之於冢上也余辭不得已乃為其文曰嗟明允兮邦之良氣甚夷兮志則疆闕今古兮辨興亡驚一世兮擅文章御六馬兮馳無疆決大河兮嚙扶桑柔星斗兮射精光衆伏玩兮離肺腸自京師兮泊幽荒矧二子兮與翱翔鳴犢呂兮和宮商羽戕峨兮勢方騰孰云命兮變不常奄忽逝兮汜之陽維自著兮晞煌煌在後人兮慶彌長嗟明允兮庸何傷

吳太初哀詞

吳太初象先今為單州單父人父祐之從事廣州勤事死州瘴疹地象先以喪至州下亦死年三十一歲三於禮部不中余與之善後七年其弟景初來視余於川慶曆六年也余思象先如初失之為之追考其為人為辭以哀之曰

越山如鱗兮達海而窮勢阻以偏兮毒潛其中子之重兮卒與子逢我知子初兮其父之從為其子孤兮吾未之信孰神之苛兮又速子終嗟嗟乎然兮維戚吾哀維子之生兮順祥于宮父母之歡兮兄弟以雍出與入遊有守有容其材甚良兮剖劖又工一日而棄兮卒偶

高逢云誰不死兮萬古一空吾與傳子兮無有春及子
天且蚤兮猶壽而隆

京

王君俞哀詞

京師多尊官要人能引重後輩公卿家子有賓客親黨
之助略識文書章句輒出與寒士較重輕跡此名稱多
歸之而主陞絀者因得與大位君俞在京北門外不交
人事讀書慕知聖人微言大法之歸趣孜孜忘晝夜寒
暑之變其為辭章可道耻出較重輕漠然自如跡此名
與位未充也慶曆元年予入太學始相識館余於家居
數月相與講學會余歸遂別常愛君俞氣貌端然雖燕
休未嘗慢在殿中恂恂或不知其朝士也至相與言天

下士白黑無所隱其方且勇亦少及也太夫人素嚴君
俞怡怡奉子職退事寡嫂無間言畜妻子不驕為家小
問田宅平居無褻私流侈之好以某年某月疾遂不起
始丞相奠文穆公無主祀按君俞以託其後君俞亦盡
誠奉之茲可以不墜矣今太夫人年高而天奪君俞之
命是於君俞之心不為大恨歎夫為人如前之云而不
卒於貴且壽曾未少施其所學又負其所承之心是於
衆人之情不能泯衷也况重以相知其悲塞可勝乎作
辭以泄其哀且系曰君俞姓王氏諱寅亮官至殿中丞
年二十六云

維相其初兮擇嗣于宗君擢而秀兮乃立于宮廟門有

戰兮祭祀以時相不失記兮君無墜恭庭闈深康兮妻
子不驕又事寡嫂兮端其服容衆人剪剪兮趨慕要津
我躬處方兮不寧以從詩書百家兮其博而敏我請其
疑兮往趨于中雖裕於心兮不耀其華維友則信兮其
位未充方期頭行兮羽儀于世孰尸變化兮亟昇之凶
泐穆無端兮莫敢責辭維舊及知兮哀撓余曾老母無
撫兮以婦失依賴有息子兮可望其隆嗚呼哀哉兮二
悲曷勝託辭于曠兮恨與天終

